

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 49. stav (7) Pravilnika o licencama – Prečišćeni tekst (“Službeni glasnik BiH”, broj 63/16), na sjednici Državne regulatorne komisije za električnu energiju, održanoj 26. juna 2024. godine, donijeta je

ODLUKA O NASTAVKU KORIŠTENJA LICENCE

1. Društvo “EFT – Rudnik i Termoelektrana Stanari” d.o.o., Stanari, vlasnik licence za obavljanje djelatnosti međunarodne trgovine električnom energijom, registracijski broj 05-28-12-158-17/22 od 15. septembra 2022. godine, nastavlja korištenje ranije dodijeljene licence sada pod nazivom “Elektrane Stanari” d.o.o., Stanari, uz neizmijenjene uvjete licence.
2. Ova Odluka stupa na snagu danom donošenja, a dispozitiv Odluke bit će objavljen u “Službenom glasniku BiH” i službenim glasilima entiteta.

Obrazloženje

Društvo “EFT – Rudnik i Termoelektrana Stanari” d.o.o., sa sjedištem u Stanarima, vlasnik je licence za obavljanje djelatnosti međunarodne trgovine električnom energijom, koja mu je izdata Odlukom Državne regulatorne komisije za električnu energiju (u daljnjem tekstu: DERK) broj 05-28-12-158-16/22 od 15. septembra 2022. godine, na period od 1. novembra 2022. godine do 31. oktobra 2027. godine.

Vlasnik licence je aktom od 12. juna 2024. godine, koji je zaprimljen 18. juna 2024. godine i zaveden pod brojem 05-28-13-248-1/24, obavijestio DERK o promjeni naziva, s ciljem da se ovi podaci izmijene u službenim evidencijama DERK-a.

Prijava izmijenjenih podataka potkrijepljena je i odgovarajućom dokumentacijom, te je uvidom u Rješenje o registraciji Okružnog privrednog suda u Doboju broj 60-0-Reg-24-000269 od 6. juna 2024. godine, utvrđeno da je u sudski registar upisana promjena naziva firme subjekta upisa “EFT – Rudnik i Termoelektrana Stanari” d.o.o., Stanari, tako da se umjesto pomenute firme upisuje firma “Elektrane Stanari” d.o.o., Stanari.

Imajući u vidu da se, shodno Pravilniku o licencama – Prečišćeni tekst, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane istog pravnog lica, to je, na osnovu člana 49. stav (7) Pravilnika o licencama – Prečišćeni tekst, donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove Odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema.

Broj: 05-28-13-248-2/24
26. juna 2024. godine
Tuzla

Predsjedavajući Komisije
Nikola Pejić